



2020 Dàì' Northwest Territories Gwinagoo'ee Dagoonch'uu Gwizhìt Tr'igwinah'in'

NWT Gwinagoo'ee Dagoonch'uu Gwizhìt Tr'igwinah'in Jidìi Dèe T'igwahnuh?

Mackenzie Valley gwinagoo'ee nits'òo guk'andehtr'inahtii ts'at ejùk t'igwinjik geenjit gik'itr'aanjii, jii t'at Environmental Audit diinch'uh. Gwizhìt gugwinah'in k'iighè' NWT gwinagoo'ee dagoonch'uu tr'igwinah'in ts'at jii gwichih gwizhìt tr'igwinah'in' ts'at jidìi gik'igaanjik aii gwiyeendoo duuleh gwiinzii diinch'uu kagugwinah'inh.

2005 gwats'at khaii ihloo gwinli' t'ee chan nikhwinagoo'ee dagoonch'uu gwizhìt tr'igwinah'inh jii t'at nan geenjit dagwidjì'è' ts'at nan geenjit lagwiinaadhan tr'itsaii gwinjik.

Juudin dèe gwizhìt gugwinah'in'?

Northwest Territories gwizhìt kat juudin NWT ahdindaii kat jii gwitr'it geenjit guunjik. Dinjii Zhuh eenjit nadhat, NWT eenjit nadhat ts'at federal government eenjit nadhat kat juudin jii gwizhìt gugwinah'in guuchit giinli' ts'at nits'òo gwizhìt gwitr'it gugwahahtsaa guutr'ahnuh.

2020 gwizhìt gugwinah'in' dàì' jidìi dèe gwizhìt gugwinah'in'?

Mackenzie Valley Resource Management Act gugwahnuu t'at jidìi gwizhìt tr'igwahnuh'aa jii gwiyeeshak gwidinithit'oh:

1. Nan ts'at chuu t'atr'ijahch'uu nits'òo guk'andehtr'ahnahtyah

Mackenzie Valley gwa'an t'angiinch'uu kat ts'at gwitr'it t'agwah'in kat nits'òo nan ts'at chuu t'agahdahch'aa geenjit goo'aii gwinjik guk'andehginahtii ts'at aii gwinagoo'ee gwiinzii k'aginahtii geenjit gwizhìt gugwinah'in'.

2. Gwinagoo'ee nits'òo gwizhìt tr'igwinah'in ts'at jidìi gik'itr'aanjii nits'òo t'agijahch'uh

Gwizhìt gugwinah'in' k'iighè' jidìi gik'igaanjik, kaiik'it kat, chit kat, gwizhìt tr'igwinah'in kat ts'at gwitr'it gwiinchii tr'igwahtsaii kat, jidìi gik'igaanjik gwinjik nits'òo nan ts'at chuu t'agijahchuu gwizhìt tr'igwinah'in'.



Gugwink'òo uunjik: R Kennedy

2020 dàì' gwizhìt gugwinah'in' k'iighè' jidìi gik'igaanjik

Gwizhìt gugwinah'in' khaiints'an' 2020 dàì' geenjit diiyah gugwaandak. Jii gwizhìt gugwinah'in' k'iighè' NWT gwizhìt nits'òo nan ts'at chuu t'atr'ahdahch'aa geenjit goo'aii gwinjik t'agijach'uu k'iighè' NWT gwinagoo'ee gwiinzii guk'atr'inahtii gugwinah'in'. 2015 dàì' gwizhìt gugwinah'in' gwats'at gwiyeendoo ejùk t'iinch'uh kwàh.

Gwiyeendoo gwiinzii nigwijaazhii jii gwiyezhak goo'aih:

- Devolution tr'igwiłtsaii gwats'at GNWT, Dinjii Zhuh gwich'it ts'at guuveenjit gwitr'it t'agwah'in kat guuvah dagwidj'è' k'eejit gugwiłtsaii, jii t'at nan, chuu ts'at nan kak goo'aii gwiyeendoo gwiinzii t'atr'ahdahch'aa geenjit.
- Nikhwinagoo'ee ejùk t'igwinjik sritr'iheelyaa geenjit dagwidj'è' GNWT kat gugwiłtsaii.
- Gwitr'it gwiinchii tr'igwahtsaii kat nits'òo nan ts'at chuu t'agahdahch'aa gwi'dineht'è' gwinjik gwiinzii gwitr'it gugwahtsaii, GNWT geenjit gwitr'it t'agwah'in kat guk'andehginahtii.

Gwizhìt gugwinah'in' k'iighè' kaiik'it gwizhìt srii tr'igwiheendaii, nits'òo nan t'atr'ahdahch'aa, nan eenjit łagwiinaadhan tr'ahahtsaa ts'at kaiik'it nihkhah giheelyaa gwiyeendoo gwiinzii tr'ahahtsaa gugwinah'in'. Gwizhìt gugwinah'in' geenjit nadhat t'at gwiyeendoo gwiheezaa niindhan 40 agwahłeii chit ts'at *Mackenzie Valley Resource Management Act* geenjit nijilzhii guuts'an altsaii.

Geenjit gwitr'it tr'igwahtsaii

Gwizhìt tr'igwinah'in' k'iighè' dagwiheedyaa gwiiniindhan gwinjik nits'òo nikhwinagoo'ee k'andehtr'ahnahtyaa gwiyeendoo gwiinzii heelyaa, GNWT geenjit gwitr'it hahtsah.

GNWT iisrits'at jii gwinjik gwitr'it hahtsah:

- Nan zhìt gwiinchii gwitr'it t'agwah'in kat, Dinjii Zhuh gwich'it kat ts'at guuveenjit gwitr'it t'agwah'in kat guuvah łigahaadaa ts'at gwitr'it k'iighè' dinjii kat guuveenjit dagoonch'uu geenjit diiyah gigiheekhyah.
- NWT gwizhìt van chù' gwiyeendoo guk'andehtr'ahnahtyaa geenjit uu'òk diiyeenjit gwitr'it t'agwah'in hàh gwitr'it gugwahahtsah.
- Gwitr'it k'iighè' nihlinehch'i' ejùk t'igwinjik nits'òo geenjit gwitr'it tr'igwahahtsaa gahahtsah.
- Mackenzie Valley gwa'an nan ts'at chuu eenjit nijilzhii kat chuu dagòonch'uu geenjit goo'aii giłtsaii, aii gwinjik gwitr'it t'agwah'in kat nits'oo chuu t'agijach'uu geenjit guuvah gugwahaandak guuts'an tr'igwahahtsah.

Gwizhìt tr'igwinah'in' ts'at dagwiheedyaa gwinyuu k'iighè' juudin eenjit dèe gwiteezah?

Dagwiheedyaa ginuu k'iighè' NWT gwizhìt nikhwinagoo'ee gwiyeendoo gwiinzii t'atr'ahdahch'ah. Gwizhìt tr'igwinah'in' k'iighè' NWT gwizhìt t'angiinch'uu tthak guuveenjit gwiteezah, nikhwinagoo'ee gwiyeendoo gwiinzii guk'andehtr'inahtii ts'at gwiyeendoo gwiinzii t'atr'ijach'uu k'iighè' jùk ts'at yeendoo tthak srii t'iheech'ah.

Gwiyeendoo geenjit gahgwiheedandaii gwiiniindhan jì':

2020 dàì' NWT Gwinag'oo'ee Gwizhìt Tr'igwinah'in' nikhwiwebsite goo'aii danh geenjit gwidinitihit'oo duuleh gwinoh'inh www.enr.gov.nt.ca/en/services/nwt-environmental-audit danh goo'aii.